


کتابهای اسلامی محبب منقذ مخصوص

سید محمد علی نجف آبادی

نسخ فوق العاده سی



معارف نظارت جلیله سنک فی ۲۶ صفر سنه ۱۳۱۵ و فی ۱۵ تموز سنه ۱۳۱۳ تاریخ
و ۴۳ نومرو لی رخصتنامه سی حاضر در

استانبول

(محمود بك) مطبعه سی — باب عالی جوارنده ابوالعزیز جادو سنه نومرد ۷۲

۱۳۱۵

قیز :

استرم آنه می ، آه آنه جکم
 غائب ایتم پدر و مادر می
 اولدی جیران واقارب نابود
 بوله مم خواهر می ، دادرمی
 بنی ده آنلره قاتسون معبود
 استرم آنه می ، آه آنه جکم
 بییدیکم نعمته کفران ایده مم
 باری صوک مطلبه اولسون ابره مم
 براقوب بر یکا اصلا کیده مم
 طوغدینم یرده براق جان ویره مم
 استرم آنه می ، آه آنه جکم

الای بیانه

تاج

مقاله ادبیه

اقوال و افعال

ماهیت شخصیه یی حاده تدقیق و تفتیشه آلان
 نظر حکیم اربانه کوره بوبابده اقبال و افعال بشر
 قدر میزان اعتبار اوله جق برشی تصور اولندمن !
 حکمت اخلاقیه نك لسان فصیح البیانی خاصه
 ناطقیت ایچون :

بیت

نامرد سخن نکفته باشد
 عیب و هنرش نهفته باشد
 قول حکیمانه سیله تبیین حقیقت ایدیور .

افعاله تعلق ایدن مدعایی دخی تنویره مدار
 اوله جق بر برهان تشکیل ایتک اوزره شو مقوله
 حکمیه یی :

نامرد عمل نکرده باشد
 صورتنه تقلیده حاجت وارمیدر ؟

کالات انسانیه نك مرشد اکمل و آئی «رانک
 لهلی ضلوع عظیم» سرینک مظهر مکرمی هر نه
 ایشلدی وهر نه بیوردی ایسه برر نمونه حکمت
 و عبرت اوله رق واجب الامثل و سزاوار تکریم
 و انجبال اولسی بو دقیقه یه مبنی دکمیدر ؟ مع ذلك
 اثر دن ماهیت مؤثره اطلاع نمای استدلال اولمق
 ایستین بعض متقولان حکمت اتما افعالک اقوالدن
 دها زیاده قوت استدلالیه سنه قائل اوله رق :
 آینه سی ایشدر کشینک لافه باقلمز
 دییور . فی الحقیقه طوغری بدر .

قائل اولور که هر فقره ادبیه سی برر دستور
 حکمت عد و اعتبار اولنه جق درجه ده قولاً اقتدار
 تعالی کوستردیکی حالده افعال و اجرات جهته
 کلانجه راجل اولدینی کوریلور .

و فقط فاعل بولنور که تصورات و اجرات
 حکیمانه سی شایان سپاس ایکن تصویر افکار و آمال
 خصوصنده کی بضاعه سزلکی ایلک جمله تقول
 و تحریرنده ظاهر اولور !

فعالیت جهتنده کی قدرت خارق العاده سی قدر
 خاصه کامله ناطقیته دخی مالکیتی :

بیت

این سفر کردن و این بی سر و سامانی ما
 بهر جمعیت دلهاست پریشانی ما

کی سائنحات فیض پرورانه سیله مسلم عالم اولان
 داهیلره ایسه نادر آ تصادف اولنور !

ایشته شو ایکی خصیصه انسانیه یی ذاتنده جمع
 اتمش اولان خوارق فطرته یعنی قولاً و فعلاً
 آثار اقتدار و تعالی کوسترن اعظم امته مقتنون اولماق
 بر قلب معالی پرست ایچون قابلمیدر ؟

بر شیدک موجودیتنده قدری بحق تقدیر
 ایدیلهمه مک بعض آدم لرجه نقایص طبیعیه دن
 اولدینی کی بشریتک جبلت مفعوره سی اقتضاسنجه

بوکي نوادر فطرت علی الاکثر کندی حیاتلرنده :

بیت

کل العداوة قد ترجی ازالتها
الاعداوة من عاداك بالحسد

سربسته مظهر اولورلر !

فقط قلب حقیقت هیچ بر زمان قابل
اوله مدینی کبی بو مثللی احوالده کشف و ابراز
حقایق ایچون زمان قدر ابدال سماحت ایدر بر
شی یوقدر !

بناءً علی ذلک بونلر کندی زمانلرنده افکار
منوره و ممیز اصحابنک نصل محبوب قلوبی اولورلر
ایسه اخلاقنک دخی الی الابد مظهر تکریم و احترام
عظیمی اولوق بختیارلغنه ده نائل اولورلر ؛ نه بیوک
بختیارلق ! نه کوزل مظهریت !

بعض حقایق بینان امور بوباید درجات اربعه
تقدیر ایدبور. کوزل دوشونمک ، دوشوندیکنی
کوزل سویلمک ؛ سویلدیکنی کوزل یازه بیلیمک ؛
یازدینک کوزل یاپه بیلیمک ؛ پک طوغریدر ! کوزل
سویله بیلیمک ایچون کوزل دوشونمک نصل لازم
ایسه کوزل یاپه بیلیمک ایچونده کوزل یازه بیلیمک
لازمدر .

بونلر یکدیگرینک لازم و ملزومی اولوق
حیثیله شو درجات اربعه ایکی کلمه نک تضمن
ایتدیکی معانیده متجلی اولبور .

اوده اقوال و افعالدن عبارتدر .

کسوة الفاظ و کلامه برونن معانیک مصدری
شفتین یاخود زبان خامه اولمقدمه بر فرق اولیوب
ایکیسی بر اصله راجعدر .

افعال ایسه اقوالک نتیجه حاصله سی —
تعبیره اعتراض بیورلماز ایسه — انک مظاهر
محسوسه متاثره سی دیمکدر .

افعاله مقارن اولمیان اقوال جانسز وجوده
بکزرر. اقوال ایله مؤید اولمیان افعالده وجودسز
جان کبی قالیر .

شواکی ملکه مبعجله آدمیتده حائر نصاب
کامل اوله رق ذوالجهتین اطلاقنه کسب استحقاق
ایتمک قدر شرف و شان اوله ماز .

بونه عالی شرف ! نه شانی کمال
کذا

مقاله مخصوصه

عثمانیلرک وظائف مدنیه سی

بر زماندنبری اوروپا و آمریقانک انظار اهمیتی
اسلامیت جهته دوغمشدر . پک چوق ارباب تحقیق
اسلامیتی تتبع ایلمکده و هر متبع دخی نتیجه تبعاتی
یازمقدمه در. بونلرک بعضی اسلامک لهنده و بعضی
علیهنده اولوب هرایکی طرفک اسلامک له و علیهنده
بولنمقدمه کی مقاصدی دخی معلوم اولدیغندن
علیهزده بولسانلر واردر دیه لهنزده یازیلان
شیلردن متحصل احتیاسات حسنه مزی تغییر
لزوم یوقدر .

بر زماندنبری اسلامیت عالمک انظار اهمیتی
دخی بزم عثمانیلمعز جهتنه توجه ایلمشدر . بو
توجهک عموماً لهنزده اولدینی محتاج اثبات دکدر .
حق بعض مذاهب اسلامیه نک فرقی بیله شوزمانده
هیچ بر اهمیت کوتور میوب منافع و سلامت اسلامیه
حائذ مسائل عمومیه ده بتون هیئت اسلامیه نک
احتیاساتی بر اولدینی کورلمکده در .

بری عالم نصرانیتک و دیکری عالم اسلامینک
اولوق اوزره شو ایکی نظری برر برر تبعه محتاجز :
عالم نصرانینک اسلامیت حقننده کی نظری
ایکی یه تشعب ایایور . بریسی صدر اسلامدن